

新粵曲

第一集



『百花齊放朵朵紅』主題曲……徐若呆
『鴛鴦劍』之磨房會……楊子靜

（相聲粵曲）……鄭維先
馮作奇
陳卓瑩
徐若呆

新 粵 曲

(第一集)

陳卓瑩・林仙根・楊子靜等著



南方通俗讀物聯合出版社印行

目錄

1 從實際出發(白攬歌).....	陳卓瑩(一)
2 拔草除根(龍舟).....	林仙根(二)
3 難把佢地放縱(龍舟).....	梁全(四)
4 咪睇輕呢個責任(龍舟).....	夏了(六)
5 大掃除(龍舟).....	徐潮(八)
6 害人害物(相聲粵曲).....	陳卓瑩(九)
7 拋却疑心立信心(相聲粵曲).....	鄭維先(一四)
8 共證同心(相聲粵曲).....	陳卓瑩(一八)
9 海珠橋(獨唱粵曲).....	馮作奇(二三)
10 血債血償(獨唱粵曲).....	黎飛(二五)

- | | | |
|----|--------------------|---------|
| 23 | 唔係空口講白話(龍舟)..... | 梁 全(五二) |
| 22 | 打到美帝氣咳(白攬歌)..... | 徐 潮(五一) |
| 21 | 無限恩情無限愛(龍舟)..... | 陳卓瑩(四九) |
| 20 | 識英雄者重英雄(龍舟)..... | 楊子靜(四七) |
| 19 | 盡力而為(龍舟)..... | 林仙根(四五) |
| 18 | 獻出人民一顆心(龍舟)..... | 林仙根(四三) |
| 17 | 支援親愛人(龍舟)..... | 盧煥錦(四二) |
| 16 | 哈哈笑，笑哈哈(龍舟)..... | 馮志芬(四一) |
| 15 | 舊恨新仇(對唱粵曲)..... | 林 標(三七) |
| 14 | 舊恨難忘(獨唱粵曲)..... | 林仙根(三五) |
| 13 | 送郎參軍(對唱粵曲)..... | 傅煒生(三三) |
| 12 | 億萬人心同方向(唱獨粵曲)..... | 楊子靜(三〇) |
| 11 | 溫情錯用誤蒼生(獨唱粵曲)..... | 陳展雄(二八) |

- | | | |
|----|--------------------|---------|
| 24 | 打虎英雄(對唱粵曲)..... | 陳卓瑩(五三) |
| 25 | 紙短情長(對唱粵曲)..... | 陳卓瑩(五九) |
| 26 | 『百花齊放朵朵紅』主題曲..... | 徐若呆(六四) |
| 27 | 『鴛鴦劍』之磨房會..... | 楊子靜(六九) |
| 28 | 『血濺上元燈』之破廟相逢..... | 林仙根(七一) |
| 29 | 『三戰榴花塔』之熊少梅被囚..... | 傅煒生(七六) |
| 30 | 『血濺上元燈』主題曲..... | 陳卓瑩(七八) |

從實際出發（白攬歌）

陳卓瑩

既寬大，又鎮壓，相結合，好政策。應該放就放，應該殺就殺；應該管就管，應該押就押。本來反革命，最輕都抵攞，好人唔去做，就抵將佢紮。其中有一種，最兇殘毒辣。血債須滿身，罪狀成踏踏，人人仇恨極，宜得將佢吃（讀「而壓」複音），如果唔殺佢，仇恨難解拆。對國家利益，危害有計劃，程度最嚴重，兇殘夾毒辣。罪惡大到咁，重唔抵正法？所以要處死，殺一以警百。跟住第二種，本來亦抵殺，（之）仇恨唔太大，血蹟唔大筭，對國家利益，危害罪名立，就算未絕頂，本應拉去拍（拍就是槍決之意）。現在用寬大，結合來鎮壓。最近所施行，十六字政策。

（揸白）十六字政策，係毛主席所訂定嘅嘢，即係話：『判處死刑，緩期兩年，強迫勞動，以觀後效』呢十六個字。

暫緩刑兩年，留低嚟考察，強迫佢勞動，睇佢點改法，如果有進步，希望唔使殺，兩年唔悔改，隨時可正法。至於第三種，照案情打

發，罪雖不至死，壞根未盡挖，放佢走出嚟，確唔係辦法，故此判徒刑，照期間拘押，強迫佢勞動，將劣根洗刷。有的罪唔大，從輕來打發，判一年以下，緩刑唔拘押，公開管制佢，交羣衆負責。要佢守規矩，畀心機學習，最後第五種，另外有做法，罪名比較小，肯真誠坦白，悔悟左前非，更將功勞立，經過教育後，洗淨佢辣撻，所以就釋放，鼓勵佢奮發。點解要咁做？完全照政策：非殺不可嘅，一定即刻殺；可殺可唔殺，亦唔拉去拍。實事嚟求是，從實際出發，互相嚟結合，寬大同鎮壓。爲加緊抗美援朝，同配合土改政策，對於反革命分子，就要加強嚟鎮壓，羣衆政府緊配合，社會唔到佢穿插。爲鞏固民主專政，人民要齊心奮發。肅清反革命分子，響應政府嘅政策，響應政府好政策！

拔草除根（龍舟）

林仙根

美蔣特務，個班剷山家，仍然死心蹋地，做美蔣嘅爪牙。雖然以前嚴辦左一批，重會有的潛伏喺地下。咪以爲就根本消滅，倒水經已連

渣。就可以樂業安居，當作唔使怕。咁就大被壅過頭馴覺，鬆懈稽查。呢種想頭，我話佢太過唔化。抱住太平觀念，咁就禾叉個差。須知美蔣份人，死都唔變嚟。死雞撐飯蓋，繼續訓練一班爪牙。混入城市鄉村，捐窿捐罅。一心向我地人民危害。破壞我地人民國家。設法隱藏，潛伏於地下。用盡千方百計，避免我地擒拿。有的假冒商人，賣狗肉將羊頭掛。有等冒充小販，估話難以將佢魂頭渣。有的故意坦白自新，查實係假。重有的打入我地機關內部，將機密偵查，欺騙政府與人民，以為唔會識穿佢嘅奸詐。所以在零陵漢口放火，燒燬幾千舖戶民家。混入各地鄉村，放毒落食物及食井下。爆炸工廠與及橋樑倉庫，幸得及早將佢擒拿。反革命嘅行為，我地要諗吓。直接危害我地身家性命，唔係同你講嘻哈。咁大嘅事情，我地點能作罷，美蔣佢想殺絕我地人民大眾，佢就依起棚牙。鎮壓反革命，政策係好啱。鞏固人民民主專政，並非係手段兇殘。以前因謂「寬大無邊」，七擒七縱仍然作患。所以要大張旗鼓，鎮壓呢班劊子家。欲想社會安寧，就要清除呢種壞蛋。要呢種人規規矩矩，不准佢動彈。人民有雪亮眼睛，唔到特

4
務爲非作患。密查檢舉，點能逃脫人民呢個五指山，人人負起呢個責任起嚟，千祈咪話偷懶。此乃係當前任務，勿當爲閒。我地唔好替特務隱瞞，因爲佢亦唔當你好心辦。就算情同父子，佢一樣對你咁兇殘。定要大義滅親，一個人必須有正義感。爲人民着想，應份揭露其奸。肅清反革命分子呢件事情，真係重要緊要過食飯。所謂拔草除根，畱後患。我地當家作主，不應將此事當作艱巨麻煩。

難把佢地放縱（龍舟）

梁全

鎮壓反革命呢幾個字，相信大衆都知。現在鎮壓反革命，係要大冢支持。爲着保障社會安寧，就要將佢懲治。鞏固人民民主專政，就要擁護政府嘅措施。保障人民生命財產安全，係最重要嘅事。保證建設經濟，更要把革命秩序維持。因爲匪特喪盡天良，替美蔣匪幫做事。滿手染着人民鮮血，更把毒計來施。接受美蔣津貼與指揮，屠殺人民志士。存心叛賣祖國，真係抵制層皮。

累累血債，確係害得人多。吸食人民鮮血，似足活閻羅，將的社

會秩序，嚟去搞搞。搶掠姦淫敲詐，四處任意囉唆。私設地下電台，將的謠言散播。陰謀下毒，都係呢班大泡和。破壞工廠橋樑，週圍去放火。擄人勒贖拐，又賣細佬哥。霸道橫行，造出殺人越貨。專把革命民主團結破壞，更把人民生命去收磨。呢種就係罪大惡極嘅人，難把佢放過。所以人民憤恨，因為佢嘅罪惡諸多。就要澈底將佢清除，不可留存半個。以平民憤，就要把佢誅鋤。

鎮壓反革命，並非亂殺一通。根據佢嘅罪惡，畀佢嘅處罰不同。主要使到匪特不能，繼續作惡反動。保護人民利益，決不讓壞分子再逞兇。有的判處死刑緩期兩年，就係其中一種。確實並無血債，就可以暫把情容。對國家利益損害，未達到於最嚴重。而且民憤不大，就暫時不殺把佢改造通。給以最後悔改嘅時機，強迫佢勞動以觀後效，就改判不同。確有轉變真誠，就唔使殘生送。可以改判無期或有期，就要觀察緩刑呢兩年中。強迫改造，試看佢表現輕重。如果改造後表現良好，就改判更不同。更有罪惡不大，肯向人民低頭就可管制個種，或者真誠坦白，更可以帶罪立功。將功補過，分別罪行輕重。

倘若誠意向人民投靠，就可以放寬容。總係我地人民就協助政府，檢舉反動。防襲防鑽，更不可放鬆。提高警惕，更要齊奮勇；莫被壞分子嚟放縱。人人都要負起責任，肅清的鼠蟻蛇蟲。

咪睇輕呢個責任（龍舟）

夏了

言初啓，說原因：等我把的匪特嘅罪惡講一勻，自從大陸解放以來，人民就歡喜甚；個的殘餘蔣匪，好比豕突狼奔。眼看台灣佢亦守唔穩，匪幫嘅末日就快來臨。但係匪幫從來都係黑牆口，越加失敗越不甘心，因為佢地慣於霸道橫行逞兇狠，又點能望佢放下屠刀唔殺人。帝國主義者亦唔心份，人民嘅勝利，佢就最憎。此後佢共的匪徒勾結更加緊，積極支援的匪特去做破壞嘅罪行。要使人民革命嘅利益穩穩陣陣，重要發展文化、經濟與國防軍，咁就要創造條件唔在問，和平，安定，建設至有可能。斷不容的特務匪徒來胡混，必須堅決鎮壓，使佢冇法滋生。咪以為匪特係少數人，就可以稍為放任，須知進行破壞，並不需要太多人。譬如建築海珠橋，就要許多人員與物品，

如果破壞，只要幾個人共炸藥百十斤；又如兩軍來對陣，要打勝仗，就要費好多兵力共精神，若然話要打輸呢，就容易得很，只要有人把作戰計劃偷去畀敵軍。呢的例子好多，血要接受的教訓，提高警惕，切勿麻木不仁。國家建設越發展起嚟，敵人越加嫉恨，佢的陰謀詭計亦必是樣樣新。我地唔加倍警惕追查，匪特就俟機藏隱，偵探、暗害、爆破等罪惡，必將繼續進行。世界上有帝國主義存在一天，反動派就必向佢來依佢。要同佢作長期鬥爭，不避艱辛。佢愈接近死亡，行為就愈兇狠，我地要吸取蘇聯嘅經驗，把佢的毒計化作灰塵。切勿姑息養奸，務把首惡來殺盡，同的受害嘅羣衆把冤伸，對敵寬恕仁慈，就係對人民殘忍，因為佢地不特想顛覆政府更想殺絕人民。你要佢自己罷手呢，佢勢唔肯嘅，惟有堅決鎮壓至得剷草除根。重要防衛森嚴，咪畀佢鑽入嚟鬼混，加強教育大衆同羣。唔畀的匪徒再來圍倖倖，總要事事注意處處留心，把匪特清除我地就可安枕，咪睇輕呢個責任，願大家共同勉勵，澈底消滅敵人。

大掃除（龍舟）

徐潮

想起美蔣特務，平日專把我地嚟蝦。佢甘爲走狗，去做美蔣嘅爪牙。無理強橫，串埋土豪與共惡霸。專向人民爲敵，出賣自己嘅國家。擾亂金融，銀紙佢就去印假。謠言散播，正式紙紮下扒。有的指示目標，畀個的美機嚟轟炸。你睇吓三三把民房炸毀，變成一堆瓦渣。強拉壯丁，又把人民嚟毆打。侍住反動派官僚勢力，擅自把人拿。勒收行水，又私自設關卡。包庇匪徒搶掠，佢做賊亞爸。私設電台，刺探我地軍情拍密碼。殺人放火，真係有證據上稽查。更重出盡陰謀，四處將毒去下。重有好多農民條命，畀佢整瓜。有的被佢陷害左妻兒，有的畀佢殺左亞爹老嫗。提起的匪特害人慘處，確係罪狀如麻。最慘係無端白白，將禍去嫁，拉左的青年學生，去帶鎖披枷，屠殺我地好多愛國青年，佢還重不肯將手罷，乘機勒贖，佢就把龍嚟扒，擄掠人民財產，又將工廠嚟爆炸。罪大如天，就係佢個班剷出家。害到人民，有口都難講話。遭遇呢種兇殘匪特，伸冤無路惟有咬實棚牙。幸

得解放翻身，要澈底清除反革命分子和惡霸。掃除社會障礙，作主當家。責任休放下。大眾要共同團結，協助政府把反革命分子擒拿。

害人害物（粵曲相聲）

陳卓瑩

（開邊後靜場，郵遞員在外拍門並叫：『開門』介）

女：（白）嚟。哦，唔該呀吓。（兩槌，口鼓）哈！真奇喇，呢封信係契奶奶嘅筆跡，點解我個契仔唔寫就指倚佢老母呢？一定係喇，我地契仔話過去北京考革命大學嘅，或者已經登左途咯。

男：（白）咁怕係咯（花）細想契奶奶咁小可揸筆，一定係佢個仔出左路。

女：（白）吓？乜乜乜……（驚叫，漸漸低沉下來）

男：（白）做乜嘢呀你？乜睇睇吓信咁大驚小怪呀？

女：（白）唉吔！（衰號般嘆息。快哭相思）唉！我個契仔中毒死呀！

男：（白）點解呀？畀我睇吓！（先鋒鉞接看）

女：（慢花下句）我一見左頭幾個字，就經已眼淚模糊。究竟佢點中毒身亡？你都要讀畀我知道。

男：(快白攬)乜頭路？(重句)落毒嚟的井水度。因為佢地食井水，向來意外半點無。所以有毒食死人，大早有人會料到；鄰里幾人同中毒，當堂搞到亂糟糟。尚幸佢抱病在牀中，一滴井水未沾到。惟是全家難倖免，救急唔及有乜符？救急唔及有乜符？

女：(三字經下句)點解井水有毒，重食佢咁胡塗？

男：(接上句)封信都話平時，一的毒都有嘅咯。

女：(接下句)解點忽然會有毒，乜嘢嘅悶葫蘆？

男：(接上句)落毒下井中，有人暗中擺佈。(齊一撻)

女：(白)吓？(驚駭地禿頭花下句)邊個咁陰毒？得咁天良人性都全無！(靜場過序)

男：(白)哼！(花上句)唔使問阿貴更唔使問阿平，一睇我就知道係特務！

女：(白)特務？(懷疑地)怕唔係啫！(一撻的的起唱梆子慢板下句)你咪咁主觀，開口就話特務；經已加強鎮壓，唔信佢重敢，咁胆粗。莫非共佢有私仇，專登報復，至有咁忍心，明知係害人，都敢做。

男：（接唱下句）你話我主觀，我彈你落後（上），呢種太平觀念，搞到你麻痺，夾胡塗。信上寫到明，落毒嘅兇手，已經捉住招供，係蔣匪幫，嘅特務。

女：（白）畀我睇吓？（先鋒鉞，搶過那信看介）

男：（白）噏！睇見啦馬？有冇假㗎？

女：（白）㗎！乜真係有咁抵死㗎！（長二王下句）怪錯丈夫，如今知道，我頑固落後反氣豪，當初重以為嘅的特務，未必無緣無故，敢去搏命，咁胆粗。（齊一搥轉白攬）點知佢害人害物除左好心乜都敢做。我契仔夠同佢有仇恨喇，都居然領左佢一刀。可見佢地係有心，天良人性一的都有，當正美帝做老豆，正式蔣匪嘅門徒。一心一意害人民，正義靈魂全冇俱。一定要加強嚟鎮壓，萬萬不能話馬虎，唔做得馬虎㗎。（禿頭二王上句）就算將的特務捉清，我都話應該，夾公道。（唱序）將佢罪行嚟公佈。

男：（長二王下句）冇殺無辜，有目共睹，咪燒唔到你肉就喺處嘈，特務害人目的不顧，佢與人民為敵，理得你受害，無辜。（齊一搥轉

反線芙蓉中板)一睇特務嘅罪行，你就痛心更憤怒。試睇吓報章嘅傳達，睇到你豎起汗毛。淨係舊年(讀上聲)一年中，特務破壞嘅倉庫，總計襲擊放火，就有百多遭。有七八十回，襲擊區鄉政府。又將橋樑破壞，搞左四五十煲。一萬五千石米糧，畀的特務扒左大路。三四千人被佢慘殺，就係的特務揸住把殺人刀。(禿頭轉三王上句)呢種野獸咁食人，應否重留返，佢嘅生路呀？(收)

女：(白)重唔剷除清的特務留返嚟害人害物咩？(長花下句)唔知道，就胡塗，既經明白重講乜鬼者也之乎，一定要肅清啲的特務，稍為姑息就畀佢脫逃，追究來源係美蔣擺佈，想將新中國破壞，不惜力拙心勞。(花)以後畀我知得特務嘅行踪呢，搏命我都要向政府報告。

男：(口鼓)一定啦。如果念到大家嘅幸福安全嘅哩，就唔應稍為放鬆的特務喇。

女：(白)重講放鬆佢添？(口鼓)唔通拉特務都話唔忍心囉噃？咁叫做仁慈？咁叫做好心呀？叫佢睇吓的特務點害人法，將眼光稍為放